

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।लक्ष्मण गजमाल 'चिलंगि'
प्रोप्राइटर

लाखा छँ

LAKHA CHHEN



सोदरखुटे, वडा नं. १६, येँ, फोन नं.: ८३६०७५८

थुकि दुने



निष्पक्ष मिडिया व वाक् स्वतन्त्रताया न्हयसः
गन गन चुके जुल नेतृत्व ?
आभास धरानन्द राजोपाध्याय - २



सकवया आकर्षण थकाइगु
माधवनारायण पार्क
बिराजकाजी राजोपाध्याय - ३



स्पोर्ट्स
अवार्डय
उत्कृष्ट नेवा:
कासामि
प्रजित शाक्य - ६



जनबहा:घ: धलिं लुङ्कगु
पेज ४-५

नेवा: एकता दिवस ला हन धात्थे हे एकता जूगु ख:ला ?

लहना संवाददाता

थुगुसीया नेवा: एकता दिवस वंगु पोहेलाथव नवमी शनिवा:या दिनस यलया ख्वनाय त:जिक हे हन । छगू दशक पूर्वकूगु थुगुसीया ११ क्व:गुनेवा: एकता दिवस धात्थे हे भ:भ: धा: धाये हे मा: । वगु ११ दै न्हय: लखौं मनूत येँया रंगशालाय मुना: नेवा: स्वायत्त राज्य घोषणा या:गु दिंया लुमन्तिइ दैयदसं पोहेलाथव नवमीया दिनय हे लाका: नेवा: एकता दिवस हनाव:गु ख: । थुगुसीया नेवा: एकता दिवसयात कया: दुवालेबलय बांला:गु खँनिसेँ कया: नकारात्मक पक्ष, शंका याय्मा:गु थाय् नं मदुगु मखु । दक्कले न्हापां बांला:गु पक्षयात हे दुवाले ।

नेवा: एकता दिवस हनेत स्वनिग:या थीथी नेवा: खल: पुच:पाखेँ अले स्वतन्त्र रूपं नं ख्वनाय् दलदल:या ल्याखय् मनूत मुन । धात्थे हे स्वयेवह: जू । नेवा: एकता दिवसया त:गु हे स्वरूप खनेदत । रंगशालाय लखौं मनूत मुंगुनिसेँ असनय् न्यास: मनूत हे ममुंगु दिं नं खनेदत । थुगुसी धा:सा अशक्त व शिथिल खनेदयावंगु नेवा: स्वायत्त राज्यया आन्दोलनयात हाकनं छक्क: क्वाकाब्यूगु खनेदत । निराश जूपिं नेवा: स्वायत्त राज्यया पक्षधरतय् नुगलय् आशाया ज: लुङ्काब्यूगु दु । थुगुसीया नेवा: एकता दिवसया दक्कले बांला:गु पक्ष थ्व हे धायेमा: ।

थ्व हे लिसे स्वानाच्चंगु मेगु खँ धइगु नेवा: स्वायत्त राज्य मंका: संघर्ष समिति



शंका याय्थाय् दु । तर थ्व दक्कं म्वा:मदुगु शंका जक हे सावित जुइमा । थुगुसीया नेवा: एकता दिवसं थनाब्यूगु आशायात हाकनं निराशाय् हिलामबीमा । हाकनं नं विचिधंगु व्यक्तिगत स्वार्थयात प्राथमिकता बिया: त:धंगु आज्जुयात ल्व:मंकल धा:सा नेवा:तयगु आक्रोशया केन्द्र नेवा: नेतृत्ववर्ग हे मजुइमा ।

खँ नं खत । थ्व व हे समिति ख:, गुगु समिति लखौं नेवा:तयत दशरथ रंगशालाय मुंक्कूगु ख: । थुगु हे समिति नेवा: स्वायत्त राज्यया आन्दोलनयात सशक्त रूपं न्हय:ने यंकूगु नं ख: । तर लिपा वना: आन्तरिक विवाद, दलीय स्वार्थ लिसेंया थीथी पक्षं थुगु समितियात शिथिल दयेकाबिल । त:दै हे थुगु समिति तन । तर थुगुसी नेवा: एकता दिवसय् थुगु समिति हाकनं दनाव:गु दु ।

नेवा: स्वायत्त राज्य मंका: संघर्ष समितिया घटकया प्रतिनिधिपिं नेवा: एकता दिवसया दखुलिइ दना: सकसिगु न्हय:ने नेवा: स्वायत्त राज्यया आन्दोलनयात निरन्तरता बीगु बचं बिल, प्रतिवद्धता प्वंकल । नेवा: स्वायत्त राज्यया आन्दोलनयात सशक्त दयेकूगु समिति हाकनं दनावया: न्हापाया आन्दोलन यायेगु प्रतिवद्धता हाकनं छक्क: नेवा:तयगु हि क्वाकूगु दु ।

नेवा:तयगु थीथी मुद्दाय् थ्व:चा थ्व:चा जुया: आन्दोलन यानाच्चंगु थीथी खल:पुच: छथाय् दना: नेवा: एकता दिवस हंवल । लिसेँ आ: नेवा: आन्दोलनयात एकिकृत रूपं न्हय:ने यंकुगु प्रतिवद्धता प्वंकल । नेवा:तय यक्व मुद्दात दु । सडक विस्तार, फास्ट ट्र्याक, सम्पदा, नेवा: स्वायत्त राज्य । तर दक्कं ब्याग: ब्याग: । नेवा: शक्ति दक्कं छथाय् मुने मफयाच्चंबलय् छुं नं मुद्दा सशक्त जुइ मफयाच्चंगु ख: । आ: दक्कं शक्ति छथाय् मुंबलय् नेवा: मुद्दा नं सशक्त जुइगु आश याये थाय् दत । आ: कथित विकास निर्माणया नामय् नेवा:तयत राज्यं क्वत्यले फइमखुत धाय् थाय् खनेदयाव:गु दु ।

थ्व ला जुल, नेवा: एकता दिवसं क्यंगु बांला:गु लू । थुकी हे दुने यक्व आशंका अथवा अन्योलया अवस्था नं खनेदु । दक्कले न्हापां नेवा: स्वायत्त राज्य मंका: संघर्ष समितिया निरन्तरतया खँय हे शंका याय् थाय् दु । दथुइ तनावंगु नेवा: स्वायत्त राज्य मंका: संघर्ष समिति आ: जक निरन्तर रूपं नेवा: स्वायत्त राज्यया आन्दोलनयात सशक्त रूपं न्हय:ने यंकी धका: गथे विश्वास यायेफइ । थुगु संघर्ष समितियात राजनीतिक आस्थां नं लिच्च: लाकूगु खँ नेतृत्व वर्ग स्वीकार या:गु दु । ७२ सालय् संविधान जारी जूगु इलय् दिपावली या:पिं हे आ: हाकनं नेवा: स्वायत्त राज्यया आन्दोलनयात सशक्त दयेकेगु धका: दंवा:गु दु ।

ल्यं ७ पेजय

मेलाया अन्यौल दथुइ न्ह्याइगु जुल सकवय् स्वस्थानी व्रत



नूपेन्द्रलाल श्रेष्ठ

माधवनारायण मेला यायेगु वा मयायेगु धइगु अन्योलया दथुइ सकवया नारिखुसिइ थुगुसीया स्वस्थानी व्रत कंस बिहिवा:निसेँ न्ह्यायेत्यंगु दु । श्री माधवनारायण स्वस्थानी व्रत तथा शालिनदी सुधार समिति सकवय् पत्रकार सम्मेलन यासेँ वइगु माघ १५ निसेँ लच्छियंकया श्री माधवनारायण स्वस्थानी व्रत न्ह्याइगु जानकारी ब्यूगु दु । थुगुसी कोभिड महामारीया हुनिं भक्तजनतयत धा:सा दर्शनया लागिं नारिखुसिइ फत्तले व ज्युतल्ले मवयेत नं समिति इनाप या:गु दु ।

पत्रकार सम्मेलनय् नवासेँ शंखरापुर नगरपालिकाया प्रमुख सुवर्ण श्रेष्ठ व्रतालुया स्वास्थ्य सुरक्षायात ध्यानय् तया: दर्शनया लागिं सकवय् मवयूत इनाप यानादिल । अवस्थाया ल्याखं मेला न्ह्याकेमज्यूगु तर सरकारं दक्क खुल्ला यानाबीधुंकुगु अवस्थाय मेला दिके नं मख्युंगु अवस्था दुगु नगर प्रमुख श्रेष्ठ धयादिल । 'आ:या अवस्थाय पशुपतिनाथलिसेंया दक्क देग: अले स्कूल, सिनेमा हल दक्क हे न्ह्यायधुंकुगु अवस्थाय जिमिसं माधवनारायण मेला जक याय्मखु नं धाय्माछं,' नगरप्रमुख श्रेष्ठया धापू ख: ।

ल्यं ७ पेजय



सम्पादकीय



भ्याक्सिन बल, आः भी सुरक्षित जुइगु खत ला ?

कोरोनाविरुद्धया भ्याक्सिनया १० लाख डोजनेपाः दुहांवल । लिसें वइगु बुधबाः १४ गतेनिसें देय्न्कया थीथी खोप केन्द्रपाखें वितरण नं याइगु जुल । आःया नितिं देय्न्क करीब ३ सः अस्पतालयात हे खोपकेन्द्रया रुपं संचालन याइगु नं जुगु दु । कोरोनाभाईस संक्रमणयात नियन्त्रणय् काय्त अग्रपंक्तिइ खटे जुयाः ज्या याईपिं चिकित्सक, स्वास्थ्यकर्मी, सहयोगी, एम्बुलेन्स व शव बाहन चालक, कोरोना संक्रमणं मद्दिपनिगु शव व्यवस्थापनय् खटे जुईपिं सुरक्षाकःमि अले सरसफाइल्य् खटे जुईपिं सरसफाइकःमितय्त न्हापांगु चरणया खोप वीगु जूगु दु । न्हापांगु चरणया खोप छवाः दुने बीधुंकेगु लक्ष्य नेपाल सरकारं काःगु दु । आः न्हापांगु चरणय् १० लाख डोज खोप हे वीगु धइगु खःसा प्रत्येक खोप केन्द्रयात ३ हजार ३ सय ३४ डोजया ल्याखं भाग थइ । थ्व जनसंख्या व संक्रमणया अवस्था स्वयाः च्वय्क्वय् जुइफुगु खँ जुल । तर थ्व ल्याखं हे छकः ल्याःचाः याना स्वल धाःसा छ्णू खोप केन्द्रं न्हिं ४ सय ७६ स्वयां अप्वः खोप बीमाली । खतुं थ्व तःधंगु ल्याः मखु । आःया अवस्थाया ल्याखं नं यक्व ताय्काच्चने नं मज्यु । तर नेपाःया ज्या याय्गु पहः, प्रणाली स्वय्बल्य् धाःसा शंका याय् थाय् मद्दिनं धाय् फइमखु । महामारीं अप्वः ई काःलिसे अर्थतन्त्रय् लिच्चः लाइगु व लिपा वनाः भाईसं स्वयां आर्थिक समस्यां दुःख वीगु सम्भावना अप्वयावनी । अथेजुगुलिं फक्व याकनं थुगु समस्यां पिहांवयाः सामान्य जीवनय् लिहांवनेगु अले लकडाउन, महामारीं स्यंकूगु अर्थतन्त्र सुधारय् योगदान बियाः न्ह्याःवनेगु लकस दय्केत सकले सक्रिय जुइमाःगु अवस्था दुसा मेखे नेपाः थुज्वःगु देशय् नि याकनं महामारीया अवस्था, ग्याःचिकुं पिहांवय् फय्केमाःगु खनेदु । छ्णू ला विकाशशील देय् । कोरोनाविरुद्धया खोप तक नं मेपिन्सं बीला धकाः आश्रयानाच्चनेमाःगु देय् । आः खोप हे मेगु देय्याके फवनाच्चनीगु, खोप न्याय्त धेबा नं जनतायाके फवनाच्चनीगु भीगु देय्या सरकारयाके निम्ह नेता ल्वानाः चुनाव याय्त धाःसा गाक्क धेबा दु, दलतय्के लाखौं मनु मुंकाः ला जा नकाः सभा समारोह याः जुइत गाक्क धेबा दु । थ्व मेगु खँ जुल का । उकिया नापं संक्रमण नियन्त्रण याय्त भूमिका मिहतेमाःगु सरकारं हे लाखौं मनु मुंकाःजुगु दु । छं छु मनु मुंकाः, मनु गुकथं मुंकेगु धकाः ला जिं क्यने का धकाः छ्णू मेहेसित हाथ्या ब्युब्युं फक्व अप्वः मनु मुंकेत स्वयाजुगु दु । जनस्वास्थ्यविदत मास्क ति, सामाजिक दुरी कायम या धकाः हाहां सः सुइधुंकेल जुइ । आम नागरिकया ला वास्ता मद्दि मद्दि, थज्याःगु अवस्थाय् ततःधंगु सभा समारोह यानाः जिम्मेवार दल, नेता अले प्रधानमन्त्रीं तक गज्याःगु बहादुरी क्यनेत्यंगु खः व वय्कःपिन्सं हे स्यु । थुलि जिम्मेवार नेतातय्गु ल्हातय् भीगु देय्या नेतृत्व लानाच्चंगु दु धासैलि भीगु देशय् नि याकनं खोप वितरण याय्मफुत धाःसा अवस्था छु जुइ धाय्थाकु ।

त्वमिपिन्त इनाप

लहना वाःपतिइ लेख, रचना, रिपोर्ट व समाचार छ्वयादीफइ । छिकपिंसं छ्वयादीगुयात थुगु वाःपतिइ थाय् बियाच्चना । पिदंगु च्वसुयात उचित पारिश्रमिक वीगु नं सुचं बियाच्चना ।

लहना वाःपौ
भोछें, यें

lahana.news@gmail.com

निष्पक्ष मिडिया व वाक् स्वतन्त्रताया न्हयसः गन गन चुके जुल नेतृत्व ?

नेपाली पत्रकारिता क्षेत्र थः हे व्यावसायिक जुइमफूगु भीगु थःगु हे कमीकमजोरीत नं गाक्कं दु, उखेपाखे न्ह्याःवनेत नं हाथ्यात गाक्कं दु व अथेजुयाः नं राजनीतिक नेतृत्व मिडिया अले वाक् स्वतन्त्रताय् नियन्त्रण काय्त स्वःगु दु ।



आभास धरानन्द राजोपाध्याय

प्रधानमन्त्री केपी शर्मा ओलीं छुं दिं न्हयः प्रेस संगठन नेपालया मुनायात सम्बोधन याय्गु इवल्य् पत्रकारयात थःगु पक्षय् दनेत पाठ ब्वकल । “पत्रकार खः धयाकथं फलनागु पार्टीया धकाः म्हेसीमा”, “नर्कय् वनी” थुज्वःगु अभिव्यक्ति बियाः थः पार्टी सतीपिं पत्रकारतय्त ‘पार्टीगत तालिम’ बीत स्वःगुलिं प्रधानमन्त्री ओलीया स्वतन्त्र व निष्पक्ष पत्रकारिताबारे दृष्टिकोण स्पष्ट याइ ।

थुकियात निगू पक्षं स्वय्माः – न्हापांगु, प्रेस संगठन नेपालया ज्याइवः थः हे राजनीतिक रङ्ग जायाच्चंगु व थुकीयात नेपाल कम्युनिस्ट पार्टी (नेकपा) या नायः केपी शर्मा ओली तसीगु पुचःया पत्रकारतय्सं ग्वसाः ग्वःगु खः । सिद्धान्ततः थन हे नेपाली पत्रकारिता चुके जूगु दु । प्रेस संगठन नेपाल नां बियाः दक्कं पत्रकारया हकहितय् जाय्माःगु व्यावसायिक दायित्व स्वयां राजनीतिक दलया छत्रछाय्यं च्वनाः पार्टी दुनेया छ्णू गुटया पक्षपोषण याय्गु व्यावसायिक पत्रकारितायात हे आघात खः । व्यावसायिक पत्रकार धयागु स्वतन्त्र व निष्पक्ष जुइमाः, छुं राजनीतिक दलया ओहदा ज्वनाच्चंमह कार्यकर्ता मखु । कि त पत्रकार जुइमाल, कि कार्यकर्ता जुइमाल – नितां ज्या छक्कलं व्यावसायिक दृष्टिकोणं सम्भव हे जुइमखु ।

मेगु पक्ष, ताः ईया संघर्ष धुःकाः प्राप्त गणतान्त्रिक व्यवस्थाय् प्रधानमन्त्री थुज्वःगु सम्माननीय ओहदाय् थ्यंमह मनुखं राज्यया प्यंगु अङ्ग धाइगु मिडियायात प्रोपोगान्डाया साधन दय्के मज्यु । नेकपाया आन्तरिक शक्ति धेंधें बल्लाःया हुनिं बायावीपिं पुष्पकमल दाहाल ‘प्रचण्ड’ व माधवकुमार नेपाल नेतृत्वया पुचः सतीपिं पत्रकारयात ‘पीत पत्रकारिता’ याय्मज्युगु स्यनेमाःमह प्रधानमन्त्रीं थःगु पक्षय् समाचार च्वय्त उक्से याय्गुयात व्यावसायिक धर्म खंकूगु जुयाच्चन । राजतन्त्रकालय् थें मिडियां थःगु पक्षय् च्वय्मा धइगु ‘स्वार्थ’ प्रधानमन्त्री थःके नं दुगु स्पष्ट खनेदत, अले थः विरोधीया अज्याःगु हे ‘स्वार्थ’ समाचार च्वइमह पत्रकारयात ‘नर्कय् ली’ धइगु थुज्वःगु अभिव्यक्ति स्वतन्त्र व निष्पक्ष मिडियायात ख्यलाः दय्काब्युगु दु ।

थुगु च्वसुया आज्जु प्रधानमन्त्री ओलीया विरोध यानाः प्रचण्ड-नेपाल पुचःया पक्षपोषण याय्गु कदापि मखु । देय्या प्रधानमन्त्री थुज्वःगु गरिमामय पदय् च्वंमह मनुखं मिडियायात थःगु हे खलतीइ च्वंगु ग्वय्या मिखां स्वय्गु व व्यावसायिक सिद्धान्त अःखः पार्टीया, अङ्ग गुटगत राजनीतिइ साथ बीत उक्से याःगुलिं नेतृत्व

तगिमय् मिडियाप्रति गज्याःगु धारणा दु धइगु क्यनेगु थुगु च्वसुया ध्येय खः ।

येंय् प्रधानमन्त्री ओलीविरुद्ध ग्वसाः ग्वःगु विरोध ज्याइवःयात सम्बोधन याय्गु इवल्य् प्रचण्ड नं पत्रकारत दक्कं सरकारया पलाः विरुद्ध दु धइगु अभिव्यक्ति बिल । गुकथं विरोध सभाय् मुपिं वा हःपिं जक वय्कःया लागिं ‘विशाल जनसागर’ वा जनता खः, उकथं हे वय्कःया राजनीतिक पलाःयात ग्वाहालिं जुइगु कथं प्रधानमन्त्री ओलीविरुद्ध च्वइपिं जक वय्कःया लागिं पत्रकार जूगु वय्कःया भाषणपाखें अर्थ छ् याय्फइ । अले व हे पत्रकारतय्त न्हापा

मिसायात अनं छ्वयाबीत प्रहरीयात ईशारा यात । वयां भचा लिपा “छिं नवाय्मते” धकाः उम्ह मिसायात अनं छ्वयाबीत प्रहरी न्हयःने वनेधुंकाः मेम्ह मनु नं हाल व वप्रति नं देउवा जगे जुल, “छिकपिन्सं दोहोरो खँ ल्हाय्गु मखु !”

थज्याःगु घटना शेरबहादुर देउवाया लागिं न्ह्युगु मखु । भचा ई बीधुंकेल, छ्णू टेलिभिजन ज्याइवल्य् हे नं दर्शकया न्हयसलं तंचायाः देउवां थुकथं हे थः विरुद्ध सः क्वत्यलेगु अशोभनीय ज्या याःगु खः । लोकतान्त्रिक मान्यता कथं सकसितं थःगु खँ तय्दइगु अधिकार दु,



नेकपाया ओली व प्रचण्ड पक्ष निम्हेसिनं नं पत्रकारतय्त थःथःगु पक्षय् मेम्हेसिया विरुद्धय् दनेत आह्वान व्यावसायिक, निष्पक्ष व स्वतन्त्र मिडियायात घच्चायापूगु मजाक खः । थुकिं अन्ततः मुक्कं पत्रकारिता जगत् व लोकतान्त्रिक मूल्यमान्यताय् हे आघात जूगु दु । न्यायालय गुलि स्वतन्त्र व निष्पक्ष जुइ वा जुइमाः, उलि हे स्वतन्त्र व निष्पक्ष मिडिया नं जुइमाः – थ्व हे लोकतन्त्रया आदर्श मूल्यमान्यता खः ।

शान्ति सम्भौता, गणतन्त्रया लागिं मिहत्तु भूमिका थें हाकनं थःगु लागिं व प्रधानमन्त्री ओलीया विरुद्ध दनेत आह्वान यानादिल ।

नेकपाया ओली व प्रचण्ड पक्ष निम्हेसिनं नं पत्रकारतय्त थःथःगु पक्षय् मेम्हेसिया विरुद्धय् दनेत आह्वान व्यावसायिक, निष्पक्ष व स्वतन्त्र मिडियायात घच्चायापूगु मजाक खः । थुकिं अन्ततः मुक्कं पत्रकारिता जगत् व लोकतान्त्रिक मूल्यमान्यताय् हे आघात जूगु दु । न्यायालय गुलि स्वतन्त्र व निष्पक्ष जुइ वा जुइमाः, उलि हे स्वतन्त्र व निष्पक्ष मिडिया नं जुइमाः – थ्व हे लोकतन्त्रया आदर्श मूल्यमान्यता खः ।

मेखे, नेपाली काग्रेसया नेतृत्वय् दुम्ह सभापति शेरबहादुर देउवां नं येंया छ्णू ज्याइवल्य् थः विरुद्धया सः क्वत्यलेत स्वःगु दसु वंगु वालय् खनेदत । थःत लोकतान्त्रिक धकाः म्हेसिका बीगु नेपाली काग्रेसया नेतृत्वय् दुम्ह देउवां वगु वाःया शनिबाः छ्णू ज्याइवःया दथुइ ‘तानाशाह’ प्रवृत्ति क्यन । अदालतय् विचाराधीन विषयस अदालतलाई दबाब बी मज्युगु व अदालत स्वयां शक्तिशाली जुयाच्चपिं जनताय् वनेमाः धइगु अभिव्यक्ति ब्युबल्य् छ्मह मिसा चिल्लाय् दनाः हाःगु खः, “जनताय् वंसा त्याइमखु... देय्या लागिं विचाः याय् ।” दबुलिं हे देउवां उम्ह

तर पुलांगु हे प्रणालीया व्यवहार सयेकाः वःपिं भीगु गणतान्त्रिक व्यवस्थाया नेतृत्व अङ्कं नं थः विरुद्धया सः सहज रुपं स्वीकार याय्मफुनि । गणतन्त्र प्राप्तिया उलिमादिं बीधुंकेलं नं वाक् स्वतन्त्रताया आधारभूत मानवअधिकारया सम्मान याय् मफूगु, थः विरुद्धया सःयात बलजपती वा चाःहिकाः सां क्वत्यलेत स्वःगु दु । थज्याःगु अवस्थाय् गनं निष्पक्ष व स्वतन्त्र विचार निर्माण जुइ फइ ले ?

थ्व दक्कं दसुं छ्णू हे जक पाठ स्यंगु दु – भीगु नेतृत्व तगिमं लोकतान्त्रिक मान्यता कथं स्वतन्त्र व निष्पक्ष मिडियाया थुइकेमफुत व अङ्कं नं मिडियायात शक्तिया हे भक्तिगानया साधनया रुपं स्वयाच्चंगु दु । वाक् स्वतन्त्रता स्वयां प्रशस्तिइ हे न्हयइपुकेत स्वय्गु प्रवृत्ति अङ्कं नेतृत्व तगिमय् दु । नेपाली पत्रकारिता क्षेत्र थः हे व्यावसायिक जुइमफूगु भीगु थःगु हे कमीकमजोरीत नं गाक्कं दु, उखेपाखे न्ह्याःवनेत नं हाथ्यात गाक्कं दु व अथेजुयाः नं राजनीतिक नेतृत्व मिडिया अले वाक् स्वतन्त्रताय् नियन्त्रण काय्त स्वःगु दु । थज्याःगु शक्ति सञ्चय याय्त स्वय्गु व समालोचनात्मक सः न्यनेमफूगु वा न्यनेमयःगु नेतृत्व तहयात भिकेत भन् व्यावसायिक पत्रकारिता, निष्पक्ष मिडिया व वाक् स्वतन्त्रताया आवश्यकता दु ।

सकवया आकर्षण थकाइगु माधवनारायण पार्क

सकवया आकर्षण तनेगु नितिं, बाह्यलिसें आन्तरिक पर्यटकतयत् सकवय् सालेगु नितिं सकवबासी व समितिं अफ् मेमेगु योजनाय् नं ज्या या:सा बां हे लाइगु खनेदु । सकवय् माधवनारायणया नापं मेमेगु नं यक्व धार्मिक सांस्कृतिक महत्वया सम्पदात दु । अज्या:गु सम्पदा दुगु थाय्या जानकारीलिसेंया बोर्ड दय्का: तयगु, सकवया जानकारी कायगु सुचना केन्द्रया विकास याय्मा:गु खनेदु ।



बिराजकाजी राजोपाध्याय

येँ देशं ३० किलोमिटर तापाक्क उत्तरय् अवस्थित छू प्राचीन नगरी खः सकव । सकव अर्थात सँदेय्या क्वय् ला:गु नगर । थुगु थाय् सँदेय् धयागु तिब्बतया क्वय् ला:गु थाय् जुगुलिं सँकवय् धार्मा सकव जुवंगु स्थानीय अध्येतातयसं धाय्गु यानाच्चंगु दु । ७२ सालया भुखाचं यक्व हे क्षति या:गु स्वनिगः दुनेया थाय्मध्ये सकव नं न्हय:ने न्हय:ने हे ला: । सकवय् ७२ सालया भुखाचं यक्व हे क्षति या:गु दु । आ:तक्कया दुने स्वयगु ख:सा सकवय् भुखाचं क्षतिग्रस्त आपा: धइथे सम्पदा व संरचनाया पुनर्निर्माण जुइधुकूगु दु ।

सकव माघया मिलापुन्हिनसें न्ह्याइगु स्वस्थानी व्रतलिसे स्वानाच्चंगु पवित्र तीर्थस्थल नारिखुसि अथवा धाय् शालि नदिया नितिं अतिकं नाजा: । थन स्वस्थानी बाखं कनीगु लच्छि ज्व:छि मेला हे जुइ । माधवनारायण मेलाया नाम देय्न्यंक हे नाजा:गु मेला ख: थ्व । थुगु मेलाय् लच्छियंक हे देय्या थाय्थासं मनुत् वयगु या: । सामान्य अवस्थाय् थन छहुंहे ५ लाखं मल्याक्क मनुत् थ्यंगु तथ्याङ्क श्री माधवनारायण स्वस्थानीय व्रत तथा शालिनदी सुधार समितियाके दु । थुगुसी कोभिड संक्रमण जोखिमया अवस्थाय् गथे जुइ व स्वय् धा:सा ल्यं हे दिनगु जुल ।

मेलाया लच्छि लाखौं मनुत् थनाच्चनीगु थुगु नारिखुसि क्षेत्र मेबलय् धा:सा सुसां हे दनाच्चनि । धार्मिक पर्यटनया त:धंगु सम्भावना कुबियाच्चंगु सकव देय् थीथी कारणं ल्युने लानाच्चगु दु । राजधानि येँय् नं ३० किलोमिटर जक तापा:सां लै बांमला:गु ल्याखं नं मेमेबलय् मनुत् उखेपाखे वनेत थाकुचा:गु खनेदु । उकिया नापं थनया धार्मिक, सांस्कृतिक पक्षया बांलाक प्रचार प्रसार जुइमफूगु नं छगु कारण ख:सा मेगु कारण धइगु व्यवस्थापकीय पक्ष नं जूगु दु । थन पर्यटकिय सम्भावना कुबियाच्चंगु थाय्यागु उचित व्यवस्थापन याना: छुं न्ह्यु आकर्षण तनाय्केगु ख:सा मनुत् १२ महिना हे थन चा:हिलेत थननाच्चनीगु निश्चित दु ।

थ्व हे खँयात बिचा: याना: आ:



श्रीमाधवनारायण स्वस्थानी व्रत तथा शालिनदी सुधार समितिं न्हयज्या:गु दु, नारिखुसि क्षेत्रयात बांलाकेगु नितिं । आ: थुगु समिति नारिखुसि क्षेत्रय् च्यागु रोपनि जग्गाय् आकर्षक पार्क दय्केगु ज्याय् जानाच्चंगु दु । माधवनारायणया हे स्तम्भलिसें दय्केत्यंगु थुगु पार्कया नां हे माधवनारायण पार्क त:गु दु । पार्कया छव्व दय्केसिध:गु दुसा माधवनारायण स्तम्भया थां नं धस्वाय्धुकल । तर समितिया योजना दुनेया अफ् आपालं ज्या ल्यं हे दिन ।

माधवनारायण मेला व स्वस्थानी व्रतयात व्यवस्थित दय्केत समिति नीस्वंगु च्यादँ दत । आ: थुगु समितिं हे मेला व व्रतया व्यवस्थापन लिसें पार्कया दय्केज्या स्वयाच्चंगु दु । समिति दय्केन्हय: आ: पार्क दय्केत्यंगु थासय् थीथी तरकारी वा वा आदि पीगु नितिं छयलेगु जुयाच्चंगु ख: । सार्वजनिक थासय् थुकथं व्यक्तिगत रुपं खेती याय्गु धाय्बलय् छगु कथं अतिक्रमण हे धाय्फइ । थथे हे जुयाच्चंगु ख:सा गुलिं जग्गाया ला आ:तक्क व्यक्तिगत नामय् लालपूजां तर्क पिहांवय् धुकल ला नं धाय् फइमखु । समिति नीस्वनेधुंका: दक्कले न्हापां थुकथंया अतिक्रमण पन । अले पार्क दय्केगु योजनायात न्हय:ने यंकल ।

थन आ:तक्क स्वय्बलय् पार्कया छव्व दय्केसिधय्धुकल । माधवनारायण स्तम्भया थां थना: थांया छचा:खेरं गा: म्हुयात:गु दु । उगु गालय् ल: जाय्का: आकर्षण तनेगु योजना दय्कात:गु दु । आ: उगु स्तम्भय्



माधवनारायणया मूर्ति तयगु ज्या ल्यं दिन । स्तम्भया लिक्क छकू थासय् ल्वहँत सीगु लिसें धौय्या कार्पेट लाया: मनुतय् भासु लनेत छकू थाय् दय्कात:गु दु । थन पलख च्वनेबलय् नुग: याउंसे च्वनाव: । थ्व छकूचा दय्कात:गु पार्क लिपाया पुरा पार्क गथे जुइ धइगु कल्पना याकू । मेमेगु थासय् नं ज्या न्ह्याकेगु नितिं समितिं योजना दय्काच्चंगु दु । गन गुकथं छायेपीगु, छु गुकथंया स्वरुप बीगु आदि सहलह लिसें ज्या न्ह्याकाच्चंगु दु । पार्क पुरा दय्केसिधय्धुकल थुकिं शंखया आकार काइ ।

उकिया नापं थनया मेगु आकर्षण धइगु नारिखुसिइ बोटिड जुइ । आ: नारिखुसिइ बोटिड नं याकेगु योजना समितिं दय्कगु दु । थुकिया नितिं नारिखुसिइ ल: जाय्केत्यंगु दु । थौकन्हय् वर्षाया मौसमय् बाहेक मेबलय् थन

उलि ल: मदु । मेमेबलय् ला खुसिया दथुइ न्यासि वनेज्युगु लँ हे जुयाच्चनी । आ: थन खुसिइ ल: जाय्केधुंका: बोटिड याय्जीक ल: बा: वनी ।

पार्क दय्केगु नितिं स्थानीय वासिन्दापाखे नं आर्थिक ग्वाहालि जूगु दु । स्थानीय वासिन्दाया ग्वाहालिपाखे पार्क दय्केज्याया नितिं मा:गु मुक्कं लागतया २० प्रतिशत मुंकेगु योजना समितिया दु । मेगु ८० प्रतिशत स्थानीय सरकार व प्रदेश सरकारपाखे ग्वाहालि जुइगु खँ जुयाच्चंगु दु । पार्क दय्केगु दक्कं ज्या क्वचाइबलय् ३ करोड स्वयां अप्प: धेवा तुइगु खँ स्थानीय पत्रकार पवनलाल श्रेष्ठ धयादीगु दु ।

थ्व सकतां ज्या सिधय्धुंका: सकवय् वनेत माघ हे पिपाचवने मालीमखुत । चा:हिलेगु नितिं, शहरया कोलाहलं तापाक्क

माधवनारायण मेला व स्वस्थानी व्रतयात व्यवस्थित दय्केत समिति नीस्वंगु च्यादँ दत । आ: थुगु समितिं हे मेला व व्रतया व्यवस्थापन लिसें पार्कया दय्केज्या स्वयाच्चंगु दु । समिति दय्केन्हय: आ: पार्क दय्केत्यंगु थासय् थीथी तरकारी वा वा आदि पीगु नितिं छयलेगु जुयाच्चंगु ख: । सार्वजनिक थासय् थुकथं व्यक्तिगत रुपं खेती याय्गु धाय्बलय् छगु कथं अतिक्रमण हे धाय्फइ । समिति नीस्वनेधुंका: दक्कले न्हापां थुकथंया अतिक्रमण पन । अले पार्क दय्केगु योजनायात न्हय:ने यंकल ।

नुग: दिकेगु नितिं, भासु लनेगु नितिं गुगु नं इलय् सकवय् वनेफइ । सकवया आकर्षण तनेगु नितिं, बाह्यलिसें आन्तरिक पर्यटकतयत् सकवय् सालेगु नितिं सकवबासी व समितिं अफ् मेमेगु योजनाय् नं ज्या या:सा बां हे लाइगु खनेदु । सकवय् माधवनारायणया नापं मेमेगु नं यक्व धार्मिक सांस्कृतिक महत्वया सम्पदात दु । अज्या:गु सम्पदा दुगु थाय्या जानकारीलिसेंया बोर्ड दय्का: तयगु, सकवया जानकारी कायगु सुचना केन्द्रया विकास याय् मा:गु खनेदु ।

उकिया नापं सकवया विकासया नितिं दक्कले बिचा: याय्मा:गु पक्ष धइगु सडक ख: । शंखरापुर नगरपालिकां थ:गु क्षेत्रय् ला:गु अप्प: धइथे सडक दय्केधुनागु धा:सां क्वय्या सडक अफ् नं जीर्ण अवस्थाय् हे तितिं । थगुने नं माधवनारायण मेला जुयाच्चंगु इलय् हे वा व:गु दिनय् लँय् दक्कं ध्याचलं वातावाता जुया: सकव वीपन्त सास्ती हे जूगु ख:सा थुगुसी गुलिखे लँ दय्केसिध:सां वा वलाकि उकथं हे वातावाता जुइगु लँ यक्कं ल्यं दिन । थ:गु अधिकार क्षेत्रय् मला:सां शंखरापुर नगरपालिका व सकवया स्थानीय बासिन्दा दवाब बियां जिल, गथे याना: जिल, उकथंया स्यंगु लँ दय्केबी हथाय् हे जुइधुकल । थुकथंया थीथी पक्षयात नं बिचा: याना: योजना दय्कुसें सकवया बांला:गु प्रचार प्रसार यात धा:सा थन पर्यटकया चहलपहल अप्पइगुलिसें स्थानीय वासिन्दाया जीवनस्तर नं थहांवइगु निश्चित दु ।

कसैलाई बोक्सीको आरोप लगाउनु

निन्दनीय र दण्डनीय कार्य हो । यसर्थ

कसैलाई बोक्सीको आरोप नलगाऔं ।



नेपाल सरकार

सञ्चार तथा सूचना प्रविधि मन्त्रालय

सूचना तथा प्रसारण विभाग



CHHAIMALE RESORT
THE PEAR GARDEN



जनबहाःद्यः धलिं लुड्कूगु



बिकासया ज्याय राजनिति यायेमज्यू - मेयर शाक्य

यै महानगरपालिकाया मेयर विद्यासुन्दर शाक्य बिकासया ज्याय सुनां न पंग: मथसें न्ह्या: वनेमा:गु खँय ब: बियादीगु दु । यैया २३ वडाया दुने ओमबहा: त्वा:छँया शिलान्यास ज्याइवलयु मेयर शाक्य कमलपूखु पुनर्निर्माणया ज्या सकसिगु सहमतिइ हे न्ह्या:गु धासें राजनैतिक बिचारं प्रभावित जुया: बिरोध जू दुर्भाग्य ख:गु धयादिल । मेयर शाक्य महानगरपालिकाय बजेटया समस्या मदुगु धासें ऐतिहासिक, धार्मिक, सामाजिक सम्पदा नेवा: परम्परा कथं दयेकेगु लागिं महानगर न्ह्याबले तयार दुगु धयादिल । उगु ज्याइवलयु शाक्य ओमबहा: त्वा:छँया शिलान्यास यानादीगु ख: ।



ज्या जूगु धासें मेगु कार्यकालयु न वयुक:यात हे ज्या याकेबीमा:गु बिचा: तयादिल ।

राजु महर्जन न्ह्याकादीगु ज्याभूवलयु त्वा:छँया नाय: बाबुराजा ज्यापु, २३ वडाया सदस्यपिं ज्योति शाक्य, गोपाल नापित लिसेया उपस्थिति दुगु ख: ।

३ आना जग्गायु दयेकेत्यंगु त्वा: छँयात

यै महानगरं १ करोड व ५० लाखया बजटतं दच्छि दुने सम्पन्न यायेगु आजु त:गु दु । स्थानीय राजु महर्जन थुगु त्वा:छँया निति जग्गा न्यायेगु निति त्यासा कथं गुथियारपाखे म्हावितिं ५० हजार तयेमा:गु यानागु जानकारी बियादिल । जग्गा न्यायेत १३ लाख तक तयेगु ज्या जूगु महर्जन कनादिल ।

अथेहे यै महानगरपालिका २३ वडाया वडाध्यक्ष मचाराजा महर्जन थुगु कार्यकालयु मेयर विद्यासुन्दर शाक्यपाखे यक्व बांला:गु

राससया पत्रकार रत्न श्रेष्ठयात सम्मान



राष्ट्रिय समाचार समिति (रासस) यु कार्यरत पत्रकार रत्न श्रेष्ठयात ख्वपयु सम्मान या:गु दु । नेपाल पत्रकार महासंघ जिल्ला शाखा ख्वपया २२ क्व:गु साधारण सभा राससया श्रेष्ठलिसें देशान्तर साप्ताहिकया कवि राणायात सम्मानित या:गु ख: । सभा पत्रकार राणायात भगवान महर्जन स्मृति पत्रकारिता पुरस्कार व श्रेष्ठयात मैयादेवी स्मृति पत्रकारिता पुरस्कारपाखे सम्मानित या:गु ख: । निम्हेसित दोसल्लां न्ययुका: हनापौ व राशी पुरस्कारलिसें सम्मान या:गु

ख: । भगवान महर्जन स्मृति पत्रकारिता पुरस्कारया राशी १० ड: तकाया ख:सा मैयादेवी स्मृति पत्रकारिता पुरस्कारयु २३ स: तका राशी दु ।

ज्याइवलयु नेपाल पत्रकार महासंघया पूर्व नाय: वरिष्ठ पत्रकार हरिहर विरही, न्वकू दिलिप थापा मगर, मू ख्यान्जे रमेश विष्ट, केन्द्रीय दुज:पिं गोविन्द चौलागाईं व लक्ष्मण कार्की, महासंघया उपत्यका प्रदेश मू ख्यान्जे श्रृजन भा, यल नाय: ज्ञानप्रसाद पौडेल लिसेंया उपस्थिति दुगु ख: ।

किपू नगरपालिकापाखे नि:शुल्क वास:

किपू नगरपालिकापाखे नगरया दुने च्चपि चिनी ल्वयु व उच्च रक्तचापया विरामीतयुत सितिकं वास: यायेगु ज्याइव: कार्यान्वयन यायेगु कथं किपू नगरपालिका व कीर्तिपुर अस्पताल दथुइ सम्भौता जूगु दु । सम्भौता पत्रयु कीर्तिपुर नगरपालिकाया मेयर रमेश महर्जनया उपस्थितिइ उप-मेयर सरस्वती खड्का व कीर्तिपुर अस्पतालया निर्देशक डा. पेरु प्रधान ल्हा:चिं



तयादीगु ख: । ज्याभूवलयु किपू नगरपालिकाया प्रमुख प्रशासकीय अधिकृत सीता परियार, स्वास्थ्य तथा फोहोरमैला व्यवस्थापन समितिया संयोजक अले वडा नं १ या वडाअध्यक्ष हर्ष महर्जन, स्वास्थ्य शाखा प्रमुख सन्तमान मानन्धर व कीर्तिपुर अस्पतालया मेडिकल निर्देशक डा. निजिता ताम्ब्राकर, डा. वसन्त महर्जन लिसेंया उपस्थिति दुगु ख: ।

नेवा:...

प्रदेश ३ यात पहिचान विनाया वागमती प्रदेश नां ब्यूवलयु छस: नमवा:पिं आ: धा:सा नेवा: स्वायत्त राज्य जिन्दावाद धा:व:गु दु । व न गबले ले धायेबलयु नेकपायु फुट व:गु इलयु । प्रचण्ड ओली नापं च्चनारुच्यु इलयु ला थुमि नेवा: नेवा: राज्य लुमनामव: । कन्हयु वना: मेगु पक्ष सत्तायु वन अथवा छुं गथे जुया: प्रचण्ड ओली दथुइ प्याचअप जुल धा:सा थुगु गुट वा पुचलं हाकनं दिपावली याना: नेवा: स्वायत्त राज्यया एजेन्डायात तिलान्जलि मवी गथे धायेफइ । न्हापा गुकथं राजनीतिक स्वार्थया दथुइ नेवा: स्वायत्त राज्यया एजेन्डायात बागमतीइ चुइकाछ्वल, आ: जक मयाइ धका: विश्वास यायेफइला ? दक्वं शक्ति छथायु मुन, कविता छु बुनेगु लालसा, आसन ग्रहण छयूया लोभ, पद व मान सम्मानया आशां न्हापा दक्वसित तितरबितर यानाबिल । दक्वं हे नेता जुइमा:गु, कार्यकर्ता लेभलयु सुं च्चनेमज्यूगु प्रवृत्ति हे नेवा: स्वायत्त राज्य मंका: संघर्ष समितियात वायेत्य: फवायेत्य: यानाब्यूगु ख: । आ: दक्वासिन थ:थ:गु थुकथंयागु सिमित स्वार्थ त्व:ता: नेवा: स्वायत्त राज्यया एजेन्डायात हे जक ध्यानयु तया: व:गु खइला ? शंका यायथायु दु । तर थ्व दक्वं म्वा:मदुगु शंका जक हे सावित जुइमा । थुगुसीया नेवा:

एकता दिवसं थनाब्यूगु आशायात हाकनं निराशायु हिलामबीमा । हाकनं न चिचीधंगु व्यक्तित्व स्वार्थयात प्राथमिकता बिया: त:धंगु आजुजुयात ल्व:मंकल धा:सा नेवा:तयगु आक्रोशया केन्द्र नेवा: नेतृत्वगं हे मजुइमा ।

मेलया...

'स्वास्थ्य सुरक्षायात न ध्यानयु तया: परम्परा न ल्यंकेमा:गु दु, ज्युतल्ले मेलया नितिं सकवयु भायुमते, जिमिसं थुलि जक धायुफु ।' दर्शनया लागिं सकवयु छुं भक्तजनत सकव थ्यनेफुगु सम्भावनायात ध्यानयु तया: सिन्ह: व प्रसाद स्वयम्सेवकपाखे वितरण यायुगु याना: तापाक हे दर्शनया व्यवस्था ता:लाकेगु समितिया नाय: मिजेन्द्रकाजी श्रेष्ठ धयादिल । अथे हे, पिं वइपीनिगु नितिं मास्क अनिवार्य यायुगुलिसें स्यानिटाइजर, ल्हा: सिलेगु थायु या व्यवस्था नं यायुगु नाय: श्रेष्ठ जानकारी याकादिल । 'जिमिसं व्रतालुया स्वास्थ्यया उसांययात अप्ठ: च्युता: तयागु दु, व्रतालुपिन्त फत्तले पिनेया सम्पर्क तापाकेगु जुइ' नाय: श्रेष्ठया धापू ख: ।

कोभिड संक्रमणया जोखिम दथुइ न्ह्यायु त्यंगु स्वस्थानी व्रतया व्रतालुया स्वास्थ्य सुरक्षायात ध्यानयु तया: समितिं थुगुसी थीथी नियम व मापदण्ड क्व:छ्युगु दु । थुगुसी व्रतयु च्चनेत माघ १० गतेनिसें १२ गतेतककया स्वन्हु

जकया मिति क्व:छ्युगु दु । सिमित संख्यायु जक व्रतालु दुथ्याकेगु खँय नं स्थानीययात प्राथमिकतायु तयगु धा:गु दु । अथे हे, नां दर्ता याकूपिसं माघ १३ गते समितिं क्व:छ्युगु थासयु पिसआर वा एन्टिजेन परिक्षण याकेमा: । निमोनियाया लक्षण मदुगु प्रमाणित याइगु एक्से रिपोर्ट अनिवार्य या:गु दु । अथे हे, व्रतालुयात दर्शनार्थीतपाखे तापाकेत स्कार्टिड्या व्यवस्था यायुगु नं समितिं धा:गु दु । व्रतालुया च्चनेगु नितिं बायुया व्यवस्था नं समितिं हे याइसा व्रतालुयात ग्वाहालि यायुत परिवार तक नं वयु मदइगु याना: मा:गु दक्वं ग्वाहालि व व्यवस्था समितिं हे यायुगु समितिया नाय: श्रेष्ठ धयादिल । मा:कथं समितिं हे परिवारलिसे सम्पर्क याना: मा:गु समन्वय यायुगु नं समितिं न्हयथंगु दु । कोभिड संक्रमणसम्बन्धि सचेतनामूलक सुचं लिसेंया होर्डिङ बोर्डत थायुथासयु तयगु योजना समितिया दु ।

स्वस्थानी व्रतया बाखनयु उल्लेख यानात:गु नवराज ब्राम्हणया राज्य लावण्य देयु या रूप सकवयात नालाव:गु दु । लिसें चन्द्रावति कुतुंवा: धीचिनाच्वनीगु खुसि कथं सकवया हे नारिखुसि अर्थात शालिनदियात कयात:गु दु । परापूर्वकालयु पार्वती थ्व हे स्वस्थानी व्रत च्चना: महा:द्य: वर चूलाक्यु धार्मिक विश्वास समाजयु दयाच्वंगु दु ।

शिक्षामन्त्री कृष्णगोपाल श्रेष्ठयात भिंतुना देछात



रत्नराज्यलक्ष्मी क्याम्पसया नेपालभाषा शिक्षक, नेपालभाषा विद्यार्थीपिंस शिक्षा, विज्ञान व प्रविधि मन्त्री कृष्णगोपाल श्रेष्ठयात सिंहदरवारयु नापलाना: भिंतुना लिसें ज्ञापन पौ ल:ल्हा:गु दु । ज्ञापन पतिइ रत्न राज्यलक्ष्मी क्याम्पसया नेपालभाषा स्यनामि (शिक्षक) प्रा.डा. चन्द्रमान बज्राचार्यलिसें क्याम्पसया नेपालभाषा ब्वनामि नाप नेवा: विद्यार्थी युनियन नाय: रीदेन महर्जन, मू छ यान्जे प्रशान्त, युनियन दुज:पिं सुरोज महर्जन, सृजनमान श्रेष्ठपिंस ज्ञापन पौ ल:ल्हा:गु ख: ।

'स्वनिग:या आशा, भरो साया, धिसिला:गु थां छिस्कर माननीय कृष्णगोपाल श्रेष्ठजु शिक्षा, विज्ञान व प्रविधि मन्त्री नियुक्त जुयादीगुलि नेवा: विद्यार्थीतयगु मंका: संगठन नेवा: विद्यार्थी युनियनपाखे वयक:या कार्यकाल सुथां लायेमा धका: भिंतुना देछायगु दु' ज्ञापन पतिइ च्चयात:गु दु । ज्ञापन पौ ल:ल्हाना कासें शिक्षामन्त्री श्रेष्ठ रत्न राज्यलक्ष्मी क्याम्पसया नेपालभाषा ब्वनामिपिन्त जुयाच्वंगु समस्यायात याकनं ज्यंकेगु बचं बियादिल ।

जसपा यै जिल्ला नाय: प्रजापतियात मातृशोक




जनता समाजवादी पार्टी (जसपा) या यै जिल्ला नाय: श्यामकृष्ण प्रजापतियात मां लक्ष्मी प्रजापति वंगु शुक्रबा: मन्त । वयुक: शुक्रबा: सुथयु ३ ता: इलयु हृदयघात जुया: थ:गु हे छँ बालाजुइ मदुगु ख: ।

शुक्रबा: सुथयु वयुक:या उसांयु अवस्था बांमलाना वनेधुंका: शहिद गंगालाल राष्ट्रिय हृदय रोग केन्द्र बाँसवारीइ यंकूगु ख:सा अन चिकित्सक वयुक: मदयधुंकूगु घोषणा या:गु ख: ।

वयुक:यात वंगु निदं न्हय:निसें नुग: सम्बन्धि समस्या जुयाच्वंगु दुगु ख: । मदुम्ह प्रजापतिया शुक्रबा: हे यैया लुतिइ अन्त्येष्टि या:गु दु । मदुम्हेसित वयुक:या



कायु श्यामकृष्ण प्रजापतिं मि तयादीगु ख: । ६० दँ दुम्ह प्रजापतिया छम्ह कायु श्यामकृष्ण व म्थ्यायु छम्ह दी ।

विवा: हायुका

थुगु समाजया नाय: श्याम महर्जनया मां
सानुमाया महर्जन
आकाभाकां मदुगु थौं भिंस्वन्हुया पुण्य तिथिस
मदुम्ह सुखावति भुवनस वास लायूमा धका:
कामना यासें दु:खं क:पिं छँज:पिन्सं
नुग: ची फयूमा धका: बिचा: हायुका च्वना ।

बूगु दि
बि.सं.
१९८८/०८/१८

मदुगु दि
बि.सं.
२०७७/१०/०१

मदुम्ह सानुमाया महर्जन

मकां समाज खुसिबुं टाउन प्लानिड, १७ वडा परिवार



रत्न प्रजापति
प्रोवाक्टर

हास्टी मिठाई भण्डार

(रुच्छ आर्याट्यरी)

कालिमाटी बोक, टक्रेबर मार्ग, काठमाडौं ।
फोन नं. : ४२७२९९९, मो. ९८०३९८०९९९

याहो: - विवाह, व्रतबन्ध, पाटी, पिकनिक, तथा अन्य शुभ कार्यको
मागि अर्डर अनुसार मिठाईको व्यवस्था गरिन्छ ।

आफ्नो भन्नेको आफ्नै हुन्छ

बैंकिङ्गमा आफ्नोपनको ५६औं वर्ष



राष्ट्रिय वाणिज्य बैंक लिमिटेड सेवाको ५६ औं वर्ष प्रवेशको सु-अवसरमा यस बैंकका ग्राहकवर्ग, नियमनकारी निकाय, शेयरधनी, कर्मचारी एवं शुभेच्छुकहरुमा हार्दिक आभार प्रकट गर्दछौं। साथै, आगामी दिनहरुमा थप गुणस्तरीय, आधुनिक, दिगो एवं विश्वसनीय बैंकिङ्ग सेवा प्रदान गर्ने प्रतिबद्धता व्यक्त गर्दछौं।


पौष मसान्त २०७७ सम्म

 कुल निक्षेप रु २४२ अर्ब	 कुल कर्जा रु १०५ अर्ब	 जनशक्ति ३६३५	 शाखा २४५	 ए.टि.एम. २०५	 ग्राहक ३२ लाख	 मोबाइल बैंकिङ्ग ग्राहक १३ लाख
--	--	---	---	---	--	---

राष्ट्रिय वाणिज्य बैंक लि.
RASTRITYA BANIJYA BANK LTD.

ने.रा.बैंकबाट 'क' वर्गको इजाजतपत्रप्राप्त संस्था
...तपाईंको आफ्नै बैंक

राष्ट्रिय वाणिज्य बैंक लि. केन्द्रीय कार्यालय, सिंहदरबारप्लाजा, काठमाण्डौ
फोन: (९७७-१) ४२५-२५९५ | ईमेल: rbb.info@rbb.com.np
टोल फ्री: (९७७-१) ५९७००१८ | वेबसाइट: www.rbb.com.np



City Office:
Newa: Nuga: Complex, Om Bahal, Kathmandu, Nepal
Tel: 4268121 | Email: booking@chhaimalesort.com.np

CHHAIMALE RESORT
the pear garden | Ramche Bhanjyang, Chhaimale-13, KTM
Resort No.: 01-6924909, 9851181409

www.chhaimalesort.com.np | www.facebook.com/chhaimalesort

विद्युत् सञ्चालनका
कतिपय सम्स्पर्धिका

Heritage in the Hill



कोरोनाका लहरकारी सुरक्षित मुफ्त लकडाउनका पूर्व पालक जागडिनी लकडाउनका लकलम रगत जाःज, एम्बुलेन्स जाःजा का र्थु र्थु कर्षका उपस्थापि जाःजा सतय विचलद्गु पीज जाबरय रकपु लकडिनी

एम्बुलेन्सका मिति :- १०९
राहत व जेजेजु गवाहलिया मिति : टोल फ्री सं. ११८० व ११३१

५६औं वर्ष
५६औं वर्ष
५६औं वर्ष
५६औं वर्ष

बैंक ग्राहकहरूको लागि
काठमाडौं महानगरपालिका
इलीजम, सुन्धार

सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु । तापं स्पेशल कुल्फी व बर्थ डे केक नं उपलब्ध दु ।



Delicious Sweets

विगदन्न
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323